

皇

清

經

解

皇

清

經

解

易圖略叙目一千一百零九

余學易所悟得者有三一曰旁通二曰相錯三曰時行此三者皆孔子之言也孔子所以贊伏羲文王周公者也夫易猶天也天不可知以實測而知七政恆星錯綜不齊而不出乎三百六十度之經緯山澤水火錯綜不齊而不出乎三百八十四爻之變化本行度而實測之天以漸而明本經文而實測之易亦以漸而明非可以虛理盡非可以外心衡也余初不知其何爲相錯實測經文傳文而後知比例之義出於相錯不知相錯則比例之義不明余初不知其何爲旁通實測經文傳文而後知升降之妙出於旁通不知旁通則升降之妙不著余初不知其何爲時行實測經文傳文而後知變化之道出於時行不知時行

則變化之道不神未實測於全易之先胸中本無此三者之名
既實測於全易覺經文傳文有如是者乃孔子所謂相錯有如
是者乃孔子所謂旁通有如是者乃孔子所謂時行測之既久
益覺非相錯非旁通非時行則不可以解經文傳文則不可以
通伏羲文王周公孔子之意十數年來以測天之法測易而此
王希乃從全易中自然契合既撰爲通釋二十卷復提其要爲
圖略凡圖五篇原八篇發明旁通相錯時行之義論十篇破舊
說之非共二十三篇編爲八卷次章句後譬如郭守敬生劉洪
祖冲之何承天傳仁均一行之後悟得歲實消長不用積年日
法非能越乎前人亦由前人之說而密焉耳夫祖冲之立歲差
傳仁均立定朔當時泥古者驚爲異說余以此三事說易亦祖

氏之歲差傳氏之定朔也知我者益加密焉余之所深冀也嘉
慶癸酉十一月冬至前五日焦循書於半九書塾之倚洞淵九
容數注易室

卷一

旁通圖第一

卷二

當位失道圖第二

卷三

時行圖第三

卷四

八卦相錯圖第四

卷五

比例圖第五

卷六

原卦第一 原名第二 原序第三 原象象第四 原辭上第五 原辭下第六 原翼第七 原筮第八

卷七

論連山歸藏第一 論卦變上第二 論卦變下第三 論半象第四 論兩象易第五

卷八

論納甲第六 論納音第七 論卦氣六日七分上第八 論卦氣六日七分下第九 論爻辰第十

皇清經解卷一千一百零九

學海堂

易圖略

江都焦孝廉循著

旁通圖第一

乾

二之坤五 四之坤初 上之坤三

坤

五之乾二 初之乾四 三之乾上

震

五之巽二 四之巽初 上之巽三

巽

二之震五 初之震四 三之震上

坎

二之離五 初之離四 三之離上

離

五之坎二 四之坎初 上之坎三

艮

五之兌二 初之兌四 上之兌三

兌

二之艮五 四之艮初 三之艮上



同人

四之師初 上之師三



師

二之五 五之二 初之同人四 三之同人上



比

初之大有四 三之大有上




大有

二之五 五之二 四之比初 上之比三




隨

四之蠱初 三之蠱上




蠱

二之五 五之二 初之隨四 上之隨三



漸

初之歸妹四 上之歸妹三



歸妹

二之五 五之二 四之漸初 三之漸上



屯

三之鼎上



鼎

二之五 五之二 初之四 四之初 上之屯三



家人

上之解三

解 二之五 五之二 初之四 四之初 三之家人上

革 四之蒙初 二之五 五之一 初之革四 三之上 上之三

蒙 初之睽四 二之五 五之一 初之革四 三之上 上之三

蹇 二之五 五之一 四之蹇初 三之上 上之三

睽 二之五 五之一 四之蹇初 三之上 上之三

小畜 二之豫五 上之豫三 五之小畜二 初之四 四之初 三之小畜上

豫 五之小畜二 初之四 四之初 三之小畜上

復 五之姤二 三之姤上 二之復五 初之四 四之初 上之復三

姤 二之復五 初之四 四之初 上之復三

夬 二之剝五 四之剝初 五之夬二 初之夬四 三之上 上之三

剝 五之夬二 初之夬四 三之上 上之三



謙

五之履二 初之履四




履

二之謙五 四之謙初 上之三 三之上



節

二之旅五 三之旅上



旅

五之節二 初之四 四之初 上之節三




賁

五之困二 上之困三



困

二之賁五 初之四 四之初 三之賁上



渙

五之渙二 四之渙初




渙

二之豐五 初之豐四 三之上 上之三




井

二之噬嗑五 初之噬嗑四



噬

五之井二 四之井初 三之上 上之三



臨

二之五 五之二 三之遯上

遯

初之四 四之初 上之臨三

升

二之五 五之二 初之无妄四

无妄

四之升初 三之上 上之三

大畜

二之五 五之二 上之萃三

萃

初之四 四之初 三之大畜上

大壯

二之五 五之二 四之觀初

觀

初之大壯四 三之上 上之三

需

二之晉五

晉

五之需二 初之四 四之初 三之上 上之三

明夷

五之訟二

訟

二之明夷五 初之四 四之初 三之上 上之三

泰

二之五 五之二

否

初之四 四之初 三之上 上之三

損

二之五 五之二 一三之上 上之三

咸

初之四 四之初

恆

二之五 五之二 初之四 四之初

益

三之上 上之三

中孚

二之小過五 三之上 上之三

小過

五之中孚二 初之四 四之初

大過

二之頤五 初之四 四之初

頤

五之大過二 三之上 上之三

既濟

䷵ 未濟

二之五 五之一 初之四 四之初 三之上 上之三

傳云六爻發揮旁通情也凡爻之已定者不動其未定者在本卦初與四易二與五易三與上易本卦無可易則旁通於他卦亦初通於四二通於五三通於上成已所以成物故此爻動而之正則彼爻亦動而之正未有無所之自正不正人者也枉己未能正人故彼此易而各正未有變已正之爻爲不正以受彼爻之不正者也虞仲翔三變受上之說其悖道甚矣初必之四二必之五三必之上各有偶也初不之四二不之五三不之上而別有所之則交非其偶也虞仲翔謂過以相與爲初與五應二與上應無是義矣卦始於乾坤初與初索成震巽二與二索成坎離三與三索成艮兌此乾坤平列也若乾與坤重爲否泰

則否四之初卽一索也泰二之五卽再索也否上之三卽三索也若乾與乾重坤與坤重則乾四之坤初卽否四之初也乾二之坤五卽泰二之五也乾上之坤三卽否上之三也故旁通之義卽由一索再索三索之義而推索卽摩也剛柔相摩卽吾與爾靡之靡一以貫之者也凡旁通之卦一陰一陽兩兩相孚

稱孚稱有孚皆指旁通詳見通釋

共十二爻有六爻靜必有六爻動既濟六爻

皆定則未濟六爻皆不定六爻發揮六位時成謂此十二爻中之六爻也

升降之說見於荀爽

解雲行雨施云乾坤二卦成兩既濟陰陽和均而得其正解日月合其明云坤五之

乾二成離乾二之坤五爲坎解或躍在淵云欲下居坤初解行而未成云謂行之坤四解含宏光大云乾二居坤五爲含坤五居乾二爲宏坤初居乾四

爲光乾四居坤初爲大

旁通之說見於虞翻

翻謂此與大有旁通小畜與豫

旁通履與謙旁通同人旁通師卦蠱與隨旁通臨與遯旁通剝與夬旁通大畜與萃旁通頤與大過旁通坎與離旁通恆與益旁通姤與復旁通革與蒙旁通鼎與屯旁通

但荀氏明升降於乾坤二卦而諸卦不詳虞氏以旁通解易而不詳升降之義顧乾坤之升降卽乾坤之旁通而諸卦之旁通仍乾坤之升降也試舉經文證之同人九五大師克相遇若非師與同人旁通則師之相克師之相遇與同人何涉其證一也艮六二不拯其隨兌二之艮五兌成隨兌二之拯正是隨之拯若非艮兌旁通則不拯其隨之義不可得而明其證二也渙初之豐四豐成明夷故豐九四言遇其夷主與渙六四匪夷所思互相發明若非豐渙旁通則匪夷所思遇其夷主何以解說其證三也屯九五屯其膏卽鼎九三雉膏之膏屯鼎旁通其證四也需不進也晉者進也惟需晉旁通故

進不進相反其證五也解上六射隼于高墉之上謂六三旁通於家人家人上巽爲高墉同人四之師初成家人亦云乘其墉家人與解旁通一墉字明之其證六也噬嗑食也并泥不食并潔不食謂未旁通於噬嗑其證七也屯見而不失其居蠱六四往見謂初六旁通於隨四隨卽成屯是爲隨蠱旁通其證八也同人九三升其高陵上九通於師三師成升其證九也明夷六五箕子之明夷箕子卽其子中孚九二鳴鶴在陰其子和之謂九二旁通小過六五惟小過六五不和中孚之九二而以四之初成明夷故云其子之明夷苟其子與鶴鳴相和則明不傷夷是中孚小過旁通其證十也旁通自此及彼自近及遠故取義於射旣濟六爻皆定不用旁通則水火不相射其證十一也困

成需賁成明夷則有言不信以賁之小而合困之有言爲小有
言需旁通於晉明夷旁通於訟則雖小有言而終吉故需訟稱
小有言明夷稱主人有言其證十二也明夷三日不食旁通於
訟則食舊德其證十三也物畜然後有禮故受之以履祭義仲
尼燕居皆以禮爲履履旁通於謙故謙以制禮其證十四也井
泥不食謂豐四之井初成需故需于泥豐成明夷需二之明夷
五爲致寇至傳云災在外卽豐過旬災之災其證十五也小畜
密雲不雨自我西郊其辭又見於小過六五小畜上之豫三則
豫成小過中孚三之上則亦成需以小過爲豫之比例以中孚
爲小畜之比例解者不知旁通之義則一密雲不雨之象何以
小畜與小過同辭其證十六也家人何以行有恆上旁通於解